

書

春秋內傳古注輯存

中開

東吳嚴蔚豹人

文公

經

元年

二月癸亥日有食之

劉歆以為正月朔燕越分

漢書五行志下下

傳楚國之舉

賈逵曰舉立也

史記楚世家注

忍人也

服虔曰言忍為不義

史記楚世家注

既又欲立王子職

賈逵曰職商臣庶弟也

史記楚世家注

能事諸乎

服虔曰若立職子能事之

史記楚世家注

能行大事乎

服虔曰謂弑君

史記楚世家注

傳

二周志有之

鄭司農云志謂記也

周禮小史注

不登于明堂

左氏舊說及賈逵盧植蔡邕服虔等皆以祖廟與明

堂為一

正義○禮玉藻正義

穎容春秋釋例曰告朔行政謂之明堂

初學記

又曰周公朝諸侯於明堂太廟與明堂一體也春秋

人君將出于宗廟及行策勳獻俘於廟

初學記

故禹不先鯀湯不先契文武不先不窋

服虔云周家祖后稷以配天明不可先也故言不先

不窋禹湯異代之王故言不先鯀契也

正義

經

三秋雨蝻于宋

劉歆以為蝻為穀災卒遇賊陰墜而死也

漢書五行志中下

傳

凡民逃其上曰潰

賈穎以為舉國曰潰一邑曰叛

正義

取王官及郊

服虔曰皆晉地不能有史記秦本紀注

封殺尸而還

賈逵曰封識之史記秦本紀注

舉人之周也

服虔曰周備也史記秦本紀注

經 四年 夫人風氏薨

故春秋左氏說成風妾得立為夫人母以子貴禮也

五經異誼

傳 圍邠新城

服虔曰秦邑新所作城也史記晉世家注

經 五年 王使榮叔歸含且贈

賈服云含贈當異人今一人兼兩使故書且以譏之

正義

傳 曰臯陶庭堅不祀忽諸

服虔云諸辭詩相舟正義

欒貞子霍伯

賈逵曰欒貞子欒枝也霍伯先且居也史記晉世家注

傳 六年 使狐射姑將中軍趙盾佐之陽處父至自温改蒐

于董易中軍

服虔云使射姑代先且居趙盾代趙衰也箕鄭將上軍林父佐也先蔑將下軍先都佐也改蒐于董趙盾將中軍射姑奔狄先克代佐中軍耳

正義

以子車氏之三子奄息仲行鍼虎為殉

服虔曰子車秦大夫氏也殺人以葬璇環其左右曰

殉 詩黃鳥正義

為之律度

服虔云鳧氏為鐘各自計律倍而半之黃鐘之管長九寸則黃鐘之鐘長二尺二寸半餘鐘亦各自計律倍而半之度量衡其本俱出於律

正義

晉人以難故

服虔曰晉國數有患難 史記晉世家注

難必抒矣

服虔作紆紆緩也 正義

辰羸嬖於二君

服虔曰辰羸懷羸也二君懷公文公也 史記晉世家注

班在九人

服虔曰班次也 史記晉世家注

其子何震之有

賈逵曰震威也 史記晉世家注

傳 七年將焉寘此

服虔曰此太子史記晉世家注

不才吾唯子之怨

王肅曰怨其教導不至也史記晉世家注

正德利用厚生

賈服注云正德人德利用地德厚生天德周禮大司樂疏

傳 八年晉侯使解揚歸匡戚之田于衛

服虔曰解揚晉大夫史記晉世家注

且復致公壻池之封

服虔以為致之于鄭正義

經 九年晉人殺其大夫士穀及箕鄭父

賈逵云箕鄭稱及非首謀正義

經 十一年叔仲彭生會晉卻缺于承筐

服虔曰叔仲惠伯史記魯世家注

叔孫得臣敗狄于鹹

服虔曰魯地也史記魯世家注

傳 且言司城蕩意諸而復之

服虔云反不書者施而不德正義

鄭瞞侵齊

服虔云伐我不書諱之正義

富父終甥椿其喉服本

服虔曰富父終甥魯大夫也春猶衝史記魯世家注
埋其首于子駒之門

賈逵曰子駒魯郭門名史記魯世家注
以命宣伯

服虔曰宣伯叔孫得臣子喬如也得臣獲喬如以名
其子使後世旌識其功史記魯世家注

初宋武公之世鄭瞞伐宋

服虔曰武公周平王時在春秋前二十五年鄭瞞長
狄國名史記魯世家注

獲長狄緣斯

賈逵曰喬如之祖史記魯世家注

服虔云不言所埋埋其身首同處於戰地可知正義

皇父之二子死焉

賈逵云皇父與穀甥牛父三子皆死鄭衆以為穀甥

牛父二人死耳皇父不死馬融以為皇父之二子從

父在軍為敵所殺名不見者方道二子死故得勝之

如令皆死誰殺緣斯服虔云殺緣斯者未必三子之

手士卒獲之耳下言宋公以門賞彫斑斑為皇父御

而有賞三子不見賞疑皆死賈君為近之正義

齊王子成父獲其弟榮如

賈逵曰王子成父齊大夫史記齊世家注

衛人獲其季弟簡如

服虔曰獲與喬如同時史記魯世家注

經十二年晉人秦人戰于河曲

服虔曰河曲晉地史記秦本紀注

傳取羈馬

服虔曰晉地也史記秦本紀注

若使輕者肆焉其可

註云肆突言使輕銳之兵往驅突晉軍周禮環人疏

經十三年大室屋壞

賈服皆以為大廟之室也正義○詩魯頌譜正義

傳能賤而有耻

服虔云謂能處賤且又知耻言不可汚辱正義

乃使魏壽餘偽以魏叛者

服虔曰晉之魏邑大夫史記秦本紀注

繞朝贈之以策

服虔云繞朝以策書贈士會正義

子家賦載馳之四章

服虔云載馳五章屬鄘風許夫人閔衛滅戴公失國

欲馳驅而唁之故作以自痛國小力不能救在禮婦人父母既沒不得寧兄弟于是許人不嘉故賦二章以喻思不遠也許人尤之遂賦三章以卒章非許人不聽遂賦四章言我遂往無我有尤也

詩載馳正義

經十四年齊人執子叔姬

服云子殺身執閔之故言子為在室辭

正義

傳有星孛北斗周史服曰不出七年宋齊晉之君皆將死亂

劉歆以為北斗有環域四星入其中也斗天之三辰綱紀星也宋齊晉天子方伯中國綱紀慧所以除舊

布新也斗七星故曰不出七年至十六年宋人弑昭公十八年齊人弑懿公宣公二年晉趙穿弑靈公

漢書五行志

經十五年六月辛丑朔日有食之

劉歆以為四月二日魯衛分

漢書五行志

傳宋華耦來盟其官皆從之書曰宋司馬華孫貴之也

服虔云華耦為卿侈而不度以君命脩好結盟舉其

官屬從之空官廢職魯人不知其非反尊貴之其意

以為貴之者魯人貴之非君子貴之

正義

史佚有言曰

服虔註史佚周成王太史禮玉藻正義

一人門于句蠅一人門于戾工皆死

服虔云魯國中小寇非異國侵伐故不書也正義正

傳十六 襄夫人欲通之而不可

服虔曰襄公夫人周襄王之姊王姬也不可鮑不肯

也史記宋世家注

經十七 齊侯伐我西鄙

服虔以為再來伐魯西鄙書北鄙不書諱仍見伐正義正

傳寡君又朝以歲陳事

賈服皆云歲敕也正義正

鹿死不擇音

服虔云鹿得美草啣啣相呼至於困迫將死不暇復

擇善音急之至也正義○歲案杜注云音所菘蔭之處古字聲同皆相假借音與蔭通

無所見劉氏從服以為音聲而難杜是也

周甘歆敗戎于邲垂

服虔曰邲垂在高都南水經洛水注

經十八 莒弑其君庶其

劉賈許穎以為君惡及國朝則稱國以弑君惡及國

人則稱人以弑正義正

傳而使歆僕

賈逵曰僕御也

史記齊世家注

敬羸嬖而私事襄仲

服虔曰襄仲公子遂

史記齊世家注

在九刑不忘

服虔云正刑一議刑八

正義

蒼舒墮斂禱鼓大臨危降庭堅中容叔達

服虔云八人禹垂之屬也

正義

謂之八愷

賈逵曰愷和也

史記五帝本紀注

謂之八元

使主后土

賈逵曰元善也

史記五帝本紀注

王肅云君治九土之宜

史記五帝本紀注

昔帝鴻氏有不才子

賈逵曰帝鴻黃帝也不才子其苗裔謹兜也

史記五帝本紀注

注

謂之渾敦

服虔以為驩兜人面馬喙渾敦亦為獸名

正義

少皞氏有不才子

服虔曰金天氏帝號

史記五帝本紀注

服讒蒐慝以誣成德

〔服虔〕以蒐為隱慝謂陰隱為惡也成德謂成就之

德故為賢人也正義

謂之窮奇

〔服虔〕曰謂共工氏也其行窮而好奇史記五帝本紀注

謂之橈杙

〔服虔〕案神異經云橈杙狀似虎毫長二尺人面虎足

豬牙尾長丈八尺能鬪不退正義

〔賈逵〕曰橈杙頑凶無疇匹之貌謂鯨也史記五帝本紀注

縉雲氏有不才子

〔賈逵〕曰縉雲氏姜姓也炎帝之苗裔當黃帝時在縉

雲之官也史記五帝本紀注

〔服虔〕云夏官為縉雲氏正義

謂之饕餮

〔賈服〕註貪財為饕貪食為餮正義

〔服虔〕案神異經云饕餮獸名身如牛人面目在腋下

食人正義

投諸四裔以禦螭魅

〔賈逵〕曰四裔之地去王城四千里史記五帝本紀注

〔服虔〕曰螭魅人面獸身四足好惑人山林異氣所生

以為害人。史記五帝本紀注。周禮家宗人疏。

服註云螭山神獸行或曰如虎而噉虎。周禮家宗人疏

遂出武穆之族

賈逵曰出逐也。史記宋世家注

宣公

經元遂以夫人婦姜至自齊

服虔云古者一禮不備貞女不從故詩云雖速我訟亦不女從宣公既以喪娶夫人從亦非禮故不稱氏

見略賤之也。正義

楚子鄭人侵陳遂侵宋晉趙盾帥帥救陳

服虔云趙盾既救陳而楚師侵宋趙盾欲救宋而楚

師解去。正義

傳遇于北林

服虔曰北林鄭南地也。水經潁水注

傳年文馬百駟

賈逵曰文狸文也。史記宋世家注

王肅曰文馬畫馬也。史記宋世家注

見叔牂日子之馬然也對曰非馬也其人也既合而來

奔

服虔載三說皆以子之馬然為叔牂之語對曰以下

為華元之辭賈逵云叔牂宋守門大夫華元既見叔牂牂謂華元曰子見獲於鄭者是由子之馬使然也華元對曰非馬自奔也其人為之也謂羊斟驅入鄭也奔走也言宋人贖我之事既和合而我即來奔耳鄭眾云叔牂即羊斟也在先得歸華元見叔牂牂即誣之曰奔入鄭軍者子之馬然也非我也華元對曰非馬也其人也言是女驅之耳叔牂既與華元合語而即來奔魯又一說叔牂宋人見宋以馬贖華元謂元以贖得歸謂元曰子之得來當以馬贖故然華元曰非馬也其人也言已不由馬贖自以人事來耳贖

事既合而我即來奔正義

華元為植巡功

鄭司農云植謂部曲將吏周禮大司馬注

于思于思

賈逵以為白頭貌正義。葢案詩有免斯首箋云斯白也斯與思音同故景伯亦為白

也頭

厚斂以彫墻

賈逵曰彫畫也史記晉世家注

宰夫胹熊蹯不孰

服虔曰蹯熊掌其肉難熟史記晉世家注

使鉏麇賊之

賈逵曰鉏麇晉力士史記晉世家注

遂扶以下服本扶作跣

服虔註云趙盾徒跣而下走正義

公喉夫絜焉

服虔云喉取也夫語辭絜犬名公乃噉夫絜使之噬

盾也正義

初宣子田于首山

馬融曰在蒲坂華山之北河曲之中劉昭續漢書注

曰宦三年矣

服虔曰宦官學士也史記晉世家注。禮曲禮正義宦學也

不告而退

服虔曰不望報史記晉世家注

為法受惡

服虔曰聞義則服史記晉世家注

初驪姬之亂詛無畜羣公子

服虔云驪姬與獻公及諸大夫詛無畜羣公子欲令

其二子專國正義

趙盾請以括為公族

服虔曰公族大夫也史記晉世家注

趙盾為旄車之族

服虔曰耗車戎車之倅

詩汾沮
御正義

傳年三楚子伐陸渾之戎觀兵於周疆

服虔曰陸渾戎在洛西南觀兵陳兵于周也

史記楚
世家注

定王使王孫滿勞楚子

賈逵曰王孫滿周大夫也

史記周
本紀注

服虔曰以郊勞禮迎之也

史記楚
世家注

貢金九牧

服虔曰使九州之牧貢金

史記楚
世家注

鑄鼎象物

賈逵曰象所圖物著之於鼎

史記楚
世家注

螭魅魍魎

服氏注云螭山神獸形魅怪物魍魎木石之怪

周禮
家宗

人疏

載祀六百

賈逵曰載辭也祀年也商曰祀

史記楚
世家注

王肅曰載祀者猶言年也

史記楚
世家注

初鄭文公有賤妾曰燕姑

賈逵曰姑南燕姓

史記鄭
世家注

夢天使與已蘭

賈逵曰香名也

史記鄭世家注

曰余為伯儵

賈逵曰伯儵南燕祖

史記鄭世家注

以是為而子

王肅曰以是蘭也為汝子之名

史記鄭世家注

文公報鄭子之妃曰陳媯

服虔曰鄭子文公叔父子儀也報復也淫親屬之妻

日報漢律淫季父之妻曰報詩雄雉序正義

傳

四公子宋與子家將見

賈逵曰二子鄭卿也

史記鄭世家注

子公之食指動

服虔曰第二指

史記鄭世家注

服虔云俗所謂噍鹽指也

正義

以貫笠轂

服虔云笠轂轂之蓋如笠所以蔽轂上以禦矢也一

曰車轂上鐵也或曰兵車旁幔輪謂之笠轂

正義。蔚案杜

氏好造臆說以欺後世并如注邊人執笠依轂而立云云口氣酷似宋人怪哉

傳

七與謀曰及

劉賈許穎以經諸及字為義

正義

經

八年七月甲子日有食之既

劉歆以為十月二日楚鄭分漢書五行志下下

經 四月丙辰日有食之

劉歆以為二月魯衛分漢書五行志下下

經 納公孫寧儀行父于陳

賈逵曰二子不繫之陳絕於陳也惡其與君淫故絕之善楚有禮也正義

賈氏依放穀梁云稱納者內難之辭正義

傳 令尹蔿艾獵城沂

服虔云艾獵蔿賈之子孫叔敖也此年云令尹蔿艾獵明年云令尹孫叔敖明一人也正義

使封人慮事以授司徒

註云司徒封人之屬官周禮大司馬疏

申叔時使于齊

賈逵曰叔時楚大夫史記陳世家注

鄉取一人焉以歸謂之夏州

鄭司農云二千五百家為州周禮州長注

傳 入自皇門

賈逵曰鄭城門史記楚世家注

鄭伯肉袒牽羊以迎

賈逵曰肉袒牽羊示服為臣隸也史記鄭世家注

先穀佐之

服虔云食采於彘或當然也正義正

韓厥為司馬

服虔言厥韓萬玄孫正義正

觀釁而動

服云釁間也釋文

在師之臨

服虔云坎為水坤為衆又互體震震為雷雷鼓類又為長子長子帥衆鳴鼓巡水而行行師之象也臨兌為澤坤為地居地而俯視於澤臨下之義故名為臨

正義正

彘子尸之

服虔云主此禍也又引易師卦六五長子帥師弟子與尸凶長子帥師以中行也弟子與尸使不當也佐之於元帥弟子也而專以師濟使不當也軍必破敗

而與尸正義正

輶路藍縷

服虔云言其縷破藍藍然正義正

分為二廣

服氏云左右廣各十五乘周禮司馬疏

廣有一卒

服氏云百人為卒言廣有一卒為承也周禮司馬疏

卒偏之兩

服氏云五十人曰偏二十五人曰兩廣既有一卒為承承有偏偏有兩故曰卒偏之兩周禮司馬疏

御下兩馬掉鞅而還

服虔云兩飾掉正正義

射麋麗龜

服虔云麗著也龜背之隆高當心正義

晉魏錡求公族未得

服虔以為犇子正義

日中而說

鄭司農云說謂舍車也周禮典路注

使輶車迎之

服虔云輶車屯守之車正義

脫局

服云局橫木投輪間一曰車前橫木也釋文

鄭石制實入楚師

服虔云入楚師使楚師來入鄭正義

有麥麴乎 有山鞠窮乎

賈逵言麥麴鞠窮所以禦濕正義

晉原穀

服虔以為食采於莩正義

經十五 宋人及楚人平

服虔云稱人眾辭善其與眾同欲正義

冬蝮生

劉歆以為蝮蠹之有翼者食穀為災黑眚也漢書五行

志中

傳伯宗曰

賈逵曰伯宗晉大夫史記晉世家注

登諸樓車

服虔曰樓車所以窺望敵軍兵法所謂雲梯也史記鄭世

家注

有死無實賈史記鄭世家作隕

服虔曰隕墜也史記鄭世家注

與之盟而告王

服虔云與華元私盟許為退師若孟任割臂與魯莊

公盟正義

棄仲章而奪黎氏地

服虔云黎侯之國詩旄正義

故文反正為乏

服虔云言人反正者皆乏絕之道也人反德則妖災生妖災生則國滅亡是乏絕之道也正義正

經十六年成周宣榭火

服虔云宣揚威武之處正義正

經十七年六月癸卯日有食之

劉歆以為三月晦朏魯衛分漢書五行志下下

傳凡稱弟皆母弟也

先儒云稱弟皆謂公子不為大夫者得以君為尊正義正
穎氏云臣無竟外之交故去弟以貶季友子招樂憂

故去弟以懲過鄭段去弟唯以名通故謂之貶正義正

經十八年邾人戕郕子于郕

賈逵云邾使大夫往殘賊之正義正

公孫歸父如晉

服虔曰歸父襄仲之子史記魯世家注

傳使我殺適立庶以失大援者仲也夫

服虔曰援助也仲殺適立庶國政無常隣國非之是

失大援助也史記魯世家注。蘇案經書宣公如齊凡五齊亦以公服故歸我濟西之田杜

解失大援為不能堅事齊晉謬矣

欲去三桓以張公室

服虔曰三桓魯桓公之族仲孫叔孫季孫史記魯世家注

成公

經元年作正甲

服注引司馬法云四邑為正有戎馬一匹牛三頭是

曰匹馬正牛四正為甸甸六十四井出長轂一乘馬

四匹牛十二頭甲士三人步卒七十二人戈楯具備

謂之乘馬。詩信南山正義禮坊記正義

傳二年取龍遂南侵及巢正

賈逵曰殺盧蒲就魁不與齊盟以亡其邑故諱不書

耳正義

請曲縣

鄭司農云軒縣三面其形曲周禮小胥注

王肅云軒縣闕一面故謂之曲縣正義

註云諸侯軒縣闕南方形如車輿周禮小胥疏

請八百乘

賈逵曰八百乘六萬人史記齊世家注

師至于靡笄之下

賈逵曰靡笄山名也史記齊世家注

師陳于鞌

服虔曰鞌齊地名也史記齊世家注

逢丑父為右

賈逵曰齊大夫史記齊世家注

奉觴加璧以進

服虔引司馬法其有殞命以行禮如會所用儀也若

殞命則左結旗司馬授飲右持苞壺左承飲以進正義

○蕞案韋昭國語注云伐國獲君若秦獲晉惠是為隕命

擊馬陘

賈逵曰馬陘齊地也史記齊世家注

曰必以蕭同叔子為質

賈逵曰蕭附庸子姓史記齊世家注

而使齊之封內盡東其畝

服虔曰欲令齊隴畝東行史記齊世家注

若苟有以藉口而復於寡君

服虔云今河南俗語治生求利少有所得皆言可用

藉手矣正義

晉人使為邢大夫

賈逵曰邢晉邑史記晉世家注

以執斲執鉞織紵

服虔曰織紵治繒帛者詩采蘋正義

經三年鄭伐許

賈逵云鄭小國與大國爭諸侯仍伐許不稱將帥夷狄之刺無知也正義

傳晉作六軍

賈逵曰初作六軍僭王也史記晉世家注

傳六年季文子以鞏之功立武宮

服虔曰鞏之戰禱武宮以求勝故立其宮正義

必居郇瑕氏之地

服虔曰郇國在解縣東郇瑕氏之墟也水經涑水注

沃饒而近鹽

服虔曰土平有漑曰沃鹽鹽池也水經涑水注

子之佐十一人

服虔云是時欒書將中軍荀首佐之荀庚將上軍士

燮佐之卻錡將下軍趙同佐之韓厥將新中軍趙括

佐之鞏朔將新上軍韓穿佐之荀騅將新下軍趙旃

佐之正義

傳七年使為行人于吳

服虔曰行人掌國賓客之禮籍以待四方之使賓大

客受小客之幣辭史記吳世家注

經六年宋公使公孫壽來納幣

服註云不稱主人母命不通故稱使婦人無外事禮儀

士昏禮疏

天子使召伯來賜公命

賈逵云諸夏稱天王畿內曰王夷狄曰天子王使榮叔歸舍且賄以恩深加禮妾母恩同畿內故稱王成公八年乃得賜命與夷狄同故稱天子正義

傳武從姬氏畜于公宮

賈服先儒皆以為成公之女正義

經九年季孫行父如宋致女

服虔注曰謂成昏禮會子問正義

傳年十晉侯夢大厲

服虔以為公明之鬼正義

居育之上膏之下

賈逵言盲鬲也心下為膏正義

賈服皆以為膏雖凝者為脂釋者為膏其實凝者亦

曰膏故內則云小切狼臙膏正義

經年十一及卻讎盟

服虔以為卻克從祖昆弟正義

傳吾不以妾為姒

賈逵云兄弟之妻相謂為姒正義

傳年十三成子受賑于社

服虔曰脈祭社之肉也盛以蠶器故為之脈漢書五行志注
晉侯使呂相絕秦

賈逵曰呂相晉大夫史記晉世家注

寡八不佞

服虔云佞才也不才者自謙之辭也正義

傳十五年左師二司寇二宰遂出奔楚

服虔云魚石卿故書以為四人非卿故不書正義

晉三卻害伯宗

賈逵曰三卻卻錡卻犇卻至史記晉世家注

經十六年雨木冰

劉歆以為上陽施不下通下陰施不上達故雨而木

為之冰漢書五行志上

六月丙寅朔日有食之

劉歆以為四月二日魯衛分漢書五行志下

晉侯及楚子鄭伯戰于鄢陵

服虔曰鄢陵鄭之東南地也史記晉世家注

晉人執季孫行父舍之于茗上

賈氏以為書執行父舍于茗上言失其所不書至者

刺晉聽讒執之示已無罪也正義

傳今楚內棄其民而外絕其好瀆齊盟而食話言奸時

以動而疲民以逞民不知信進退罪也

服虔以外絕其好為刑不正邪也食語言為義不建

利也疲民以逞為信不守物也正義正

國士在且厚不可當也

服虔解云賁皇州犁皆言曰晉楚之士皆在君側且

陳厚不可當以為州犁言晉疆賁皇言楚疆故云皆

曰也正義正

其卦遇復

服虔曰復反也陰盛于上陽動于下以喻小人作亂

于上聖人興道于下萬物復萌制度復理故曰復也

正義正

射其元王中厥目

服虔以為陽氣觸地射出為射之象正義正

有韎韝之跗注

賈逵云一染曰韎正義正

賈服等說跗謂足跗注屬也袴而屬於跗周禮司服疏

子反命軍吏察夷傷

服虔云金創為夷正義正

宣伯通于穆姜

服虔曰宣伯叔孫喬如史記魯世家注

子叔聲伯使叔孫豹請逆于晉師

〔服虔〕以為叔孫豹先在齊矣此時從國佐在師聲伯令人就齊師使豹豹不忘宗國聞白國佐為魯請逆

正義正

宋齊衛皆失軍

〔服虔〕以失軍為失其軍糧正義正

〔經〕

十七年九月辛丑用郊

〔賈逵〕以二傳為說諸書用者不宜用也正義正

壬申公孫嬰齊卒于狸脰

〔舊說〕曰壬申十月十五日狸脰魯地也正義正

十有二月丁巳朔日有食之

〔劉歆〕以為九月周楚分漢書五行志下下

〔傳〕余恐死故不敢占也

〔服虔〕云聲伯惡瓊瑰贈死之物故畏而不言詩渭陽正義正

公遊于匠麗氏

〔賈逵〕曰匠麗氏晉外嬖大夫在翼者史記晉世家注

〔傳〕十八年辛巳朝于武宮

〔服虔〕本作辛未正義正

荀賓為右司士屬焉

〔服虔〕以為司士主右之官謂司右也正義正

諸侯納之曰歸

賈氏以為諸歸國稱所自之國所自之國有力也正義
以惡曰復入

賈氏雖夫人姜氏之入皆以為例如此甚多又依放
穀梁云稱納者內難之辭正義

襄公

傳元年晉韓厥荀偃帥諸侯之師伐鄭入其郛

賈逵云韓厥荀偃帥諸侯之師謂帥宋衛滕薛伐鄭
齊魯曹邾杞次于鄆故諸侯之師不序也入郛不書
者晉人先以鄭罪令於諸侯故書伐鄭入郛既敗鄭

不復告故不書正義

敗其徒兵于洧上

服虔曰洧水名史記鄭世家注

傳二年是棄力與言

服本作棄功釋文

傳三年使鄧廖帥組甲三百被練三千

賈逵云組甲以組綴甲車士服之被練帛也以帛綴

甲步卒服之凡甲所以為固者以盈竅也帛盈竅而
任力者半甲者所服組盈竅而盡任力尊者所服正義

馬融云組甲以組為甲裏公族所服被練以練為甲

裏卑者所服正義。文選左太冲吳都賦注。左太冲魏都賦注。謝元暉伏武昌登孫權

建一官而三物成

服虔云所舉三賢各能成其職事正義

亂行于曲梁

賈逵曰行陳也史記晉世家注

魏絳戮其僕

賈逵曰僕御也史記晉世家注

事君不辟難

服虔云謂敢斬楊干之僕是不辟獲死之難正義

使佐新軍

服虔云於是魏頡卒矣使趙武將新軍代魏頡升魏絳佐新軍代趙武也正義

傳四年恃其射也

賈逵云羿之先祖世為先王射官故帝譽賜羿弓矢

使司射正義

武不可重

服虔云重猶大也言武事不可大任正義

戎狄薦居

服虔云薦草也言狄人逐水草而居徙無常處正義

魯於是乎始髻

鄭眾以為桌麻與髮相半結之正義

馬融以為屈布為巾高四寸著於額上正義。蔽案

云髻露紛也猶男子之括髮斬衰括髮以麻則髻亦用麻也蓋以麻自項而前交於額上卻繞紛如著幪頭焉小記曰男子冠而婦人笄男子免而婦人髻是則髻如兔形制同于幪頭也

傳 六年子罕善之如初

服虔云言子罕不阿同族亦逐樂轡以正國法忠之至也及樂轡射其門畏從華弱之罰復善樂轡如初是為茹柔吐剛喪其志矣傳故舉之明春秋之義善惡俱見正義

傳 八年孫擊孫惡出奔衛

賈逵云二孫子狐之子正義

傳 九年使皇郎命校正出焉

服虔云皇郎皇父充石之後十世宗卿為人之子大

司馬椒也正義

使西鉏吾庀府守

賈逵云鉏吾大宰也正義

令司宮巷伯儆宮

王肅云今後宮稱永巷是巷者宮內道名伯長也是宮內門巷之長也正義

相土因之

服虔云相土居商正故湯以為天下號正義正

以出內火

鄭司農云以三月本時昏心星見于辰上使民出火

九月本黃昏心星伏在戌上使民內火周禮司燿注

遇艮之八

賈鄭以為先代之易正義正

註云爻在初六九三六四六五上九惟六二不變連

山歸藏之占以不變者為主周禮大卜疏

棄位而姦

肆眚圍鄭

服虔讀姦為放赦之效言效小人為淫正義正

服虔以為放鄭正義正

吾三分四軍

賈逵以為三分四軍為十二部正義正

鄭眾以為分四軍為三部正義正

次于陰口而還

服虔曰登南曰陰口者水口也水經洧水注

以先君之祧處之

服註成公衛曾祖故以祧為曾祖廟時不冠於衛之

始祖以非已廟故也

儀禮士冠禮疏

要盟無質神弗臨也

服虔云質誠也無忠誠之信故神弗臨也

正義

傳十會吳子壽夢也

服虔云壽夢發聲吳蠻夷言多發聲數語共成一言

壽夢一言也經言乘傳言壽夢欲使學者知之也

正義

聊人紇抉之以出門者

服虔云抉擻也謂以木擻抉縣門使舉令下容人出

也門者下屬為句

正義

親受矢石

服虔云古者以石為箭鏑國語曰有隼集於陳候之

庭楛矢貫之石斨

正義

楚子囊鄭子耳侵我西鄙

服虔云不書諱從晉不能服鄭旋復為楚鄭所伐耻

而諱之也

正義

以位序聽政辟

服虔云鄭舊世卿父死子代今子孔欲擅改之使以

次先為士大夫乃至卿也

正義

經十一年同盟于亳城北

服氏之經作京城北

公羊疏

傳司慎司盟

七姓十二國之祖

服虔云晉主盟不自數正義正

鄭人賂晉侯以師悝師觸師蠲

服虔云三師鐘師罍磬師謂悝能鐘觸能罍磬

也正義正

八年之中九合諸侯

服虔云八年從四年以來至十一年也九合諸侯者

五年會于戚一也其年又會于城棣救陳二也七年

會于鄆三也八年會于邢止四也九年會于戲五也

十年會于粗六也又成鄭虎牢七也十一年同盟于

亳城北八也又會于蕭魚九也正義。史記。晉世家注

傳年十三不猶愈乎

服虔云愈猶病愈正義正

經年十四二月乙未朔日有食之

劉歆以為前年十二月二日宋燕分漢書五行志下下

傳曹宣公之卒也諸侯與曹人不義曹君

服虔曰宣公曹伯盧也以魯成公十三年會晉侯伐

秦卒于師曹君公子負芻也負芻在國聞宣公卒殺太子而自立故曰不義之也史記吳世家注將立子臧

服虔曰子臧負芻庶兄史記吳世家注君義嗣也

王肅曰義宜也嫡子嗣國得禮之宜史記吳世家注不獲成焉

服虔云不得成戰陳之事正義

衛獻公戒孫文子甯惠子食皆服而朝日旰不咎

服虔曰孫文子林父也甯惠子甯殖也敕戒二子欲

共晏食皆服朝衣待命旰也史記衛世家注

二子從之

服虔曰從公於囿史記衛世家注

孫文子如戚

服虔曰孫文子邑也史記衛世家注

師曹請為之

賈逵曰師曹樂人史記衛世家注

而入見蘧伯玉曰

賈逵曰伯玉衛大夫史記衛世家注

鄆人執之

服虔云執追公徒者公如郵故郵人為公執之正義
射兩軸而還

服虔云車輓兩邊又馬頸者正義

王室之不壞繫伯父是賴服本壞作懷舊本及賈氏皆作壞

服虔解云懷柔也繫蒙也賴恃也王室之不懷柔諸

侯恃蒙齊桓之匡正也正義

詩曰行歸于周萬民所望

服虔云逸詩也都人士首章有之詩都人士正義。蕞案孔氏詩疏曰

今韓詩實無此首章時三家列于學官毛詩不得立故服云逸詩

經 十五年 八月丁巳日有食之

劉歆以為五月二日魯趙分漢書五行志下下

傳 屈蕩為連尹

服虔云連尹射官言射相連屬也正義

富而後使復其所

服氏云富賣玉得富周禮大宰疏

經 十六年 戊寅大夫盟

賈服以為惡大夫專而君失權也正義

傳 十七年 齊侯使夙沙衛唁之

服虔曰弔生日唁以生見獲故唁之也詩載馳正義節南山正義

抑君賜不終

服虔云言君義已故來唁之是惠賜也謂已無死不
以義望已是不終也正義
不如蓋之

服虔云蓋覆蓋之言左師無鷹鷂之志而蓋不義之
人故尤之正義

左師為已短策苟過華臣之門必騁

服虔云策馬捶也自為短策過華臣之門助御者擊
馬而馳惡之甚也正義

傳十八年吾驟歌北風又歌南風南風不競多死聲

服虔云北風夾鐘無射以北南風姑洗南呂以南南

律氣不至故死聲多吹律而言歌與風者出聲曰歌
以律是侯氣之管氣則風也故言歌風。周禮大師疏
保章氏疏
服虔以為卯酉以北律呂為北風以南為南風正義

經十九年公至自伐齊

賈逵曰圍齊而致伐以策伐勲也正義

傳取邾田自漵水歸之于我
賈服言刺晉偏而魯貪正義

列於諸侯矣

服虔曰數從諸侯征伐會盟史記齊
世家注

遂東大子光

賈逵曰徙之東垂也

史記齊世家注

婦人無刑

服虔云婦人從人者也故不為制刑及犯惡從男子

之刑也

正義

號之乃下問守備焉以無備告揖之乃登

服虔引彭仲博云齊欲誅衛呼而下與之言因可取

之無為揖之復令登城仲博以為齊侯號衛衛慙而

下云問守備焉問衛之守高唐者衛無恩信故令守

者以無備告齊侯善其言故揖之乃命士卒登城此

說近之

正義

賈逵說齊侯以衛告誠揖而禮之欲生之也衛志于戰死故不順齊侯之揖而還登城

正義

孔成子曰

服虔曰衛卿孔烝鉏

史記衛世家注

經

二十年陳侯之弟黃出奔楚

賈逵以為稱名罪其偏

正義

十月丙辰朔日有食之

劉歆以為八月秦周分

漢書五行志下下

經

二十一年

賈逵云此年仲尼生哀十六年夏四月己丑卒七十

三年三十一年正義。戴案公羊傳于二十一年下云冬十月庚辰朔是則庚子為十月二十一日。梁傳于二十一年十月下云庚子孔子生三傳經並云無庚子公羊所說誤也。史記孔子世家云魯襄公二十二年孔子生與公穀異然適得七十三者三三三接畫後儒或因此誤三為三耳。

九月庚戌朔日有食之

劉歆以為七月秦晉分

漢書五行志下下

十月庚辰朔日有食之

劉歆以為八月秦周分

漢書五行志下下

傳子盍詰盜

服虔以盍為何不也正義

庶其非卿也

雖賤必書

劉賈云春秋之序三命以上乃書于經正義

穎氏以為再命稱人正義

傳二十二年臧武仲如晉

服虔云武仲非卿故不書正義

而以為口實

服虔云實謂譴讓也正義

經

二十三年二月癸酉朔日有食之

劉歆以為前年十二月二日宋燕分

漢書五行志下下

邾畀我來奔

賈以為庶其之黨同有竊邑叛君之罪

正義

傳禮為鄰國闕

服註云鄰國尚為之闕樂况甥舅之親乎

儀禮聘禮疏

君子謂慶氏不義不可肆也

服虔以為傳發此言為不書慶氏以陳叛為楚所圍

稱國以殺不成惡人肆其志也

正義

納諸曲沃

賈逵曰樂盈之邑

史記齊世家注

唯魏氏及七輿大夫與之

服虔云下軍輿帥七人

正義

樂魴傷

服虔云魴盈之子

正義

啟牢成御襄罷師狼遽疏為右肱商子車御侯朝桓跳為右

賈逵以為左翼曰啟右翼曰肱

正義

服虔引司馬法謀帥篇曰大前驅啟乘車大晨倅車

屬焉大晨大殿也音相似

正義。葭案殿集韻音丁練切吳才老韻補晨叶時

連切則殿晨
同音可知矣

取朝歌

賈逵曰晉邑史記齊世家注

入孟門登大行

賈逵曰孟門大行皆晉山隘也史記齊世家注

張武軍於熒庭

服虔云張設旗鼓也正義

趙勝帥東陽之帥以追之

服虔以東陽為魯邑正義

叔孫豹帥師救晉次于雍榆禮也

賈氏云禮者言其先救後次為得禮也正義

夫石猶生我

服虔曰夫謂孟孫也正義

母或如東門遂

服虔曰東門遂襄仲也居東門故稱東門遂史記魯世家注

猶有先人之敝廬在下

服虔以下從上讀言敝廬在下正義

作不順而施不怨也

服虔云不順謂阿季氏廢長立少也不怨謂惡孟氏

立庶也正義

經

二十四年七月甲子朔日有食之既

劉歆以為五月宋燕分

漢書五行志下下

八月癸巳朔日有食之

劉歆以為六月晉趙分

漢書五行志下下

傳大上有立德

服以伏羲神農當之言如此之類乃是立德也

正義

其次有立功

服以禹稷當之言如此之類乃是立功也

正義

其次有立言

服以史佚周任臧文仲當之言如此之類乃是立言

也

正義

象有齒以焚其身

服虔云焚讀曰償償僵也為生齒牙僵仆其身

正義

部婁無松柏

服虔云喻小國無賢材知勇之人而與大國等也

正義

經

二十五年衛侯入于夷儀

賈氏雖夫人姜氏之入皆以為例

正義

傳齊棠公之妻

賈逵曰棠公齊棠邑大夫

史記齊世家注

史皆曰吉

服虔云皆二卦正義

乃為崔子間公

服虔曰伺公間隙史記齊世家注

公拊楹而歌

服虔曰公以為姜氏不知已在外故歌以命之也一

曰公自知見欺恐不得出故歌以自悔史記齊世家注

不能聽命

服虔曰言不能親聽公命史記齊世家注

近於公宮

服虔曰崔杼之宮近公宮淫者或詐稱公史記齊世家注

陪臣干揶有淫者不知二命揶服本作諛

服虔云一曰干扞也諛謀也言受崔于命扞禦謀淫

之人正義

晏子立於崔氏之門外

賈逵曰聞難而來史記齊世家注

故君為社稷死則死之為社稷亡則亡之

服虔曰謂以公義為社稷死亡也如是者臣亦隨之

死史記齊世家注

若為已死而為已亡非其私暱誰敢任之

服虔曰言君自以已之私欲取死亡之禍則私近之

臣所當任也史記齊世家注

舍之得民

服虔曰置之所以得人心史記齊世家注

執簡以往

服註云古文篆書一簡八字儀禮聘禮疏

下車七乘

服虔云下車遣車也正義

服又曰上公饗餼九牢遣車九乘禮檀弓正義

五吏三十帥

董遇云五吏謂一正有五吏為三十帥之長正義

井堙木刊

服虔曰堙塞刊削也詩泮水正義

祝祓社司徒致民司馬致節司空致地

服虔以為祝與司徒等皆是陳人各致其所主於子

產正義

武也知楚令尹

服以令尹為屈建也正義

度山林鳩藪澤辨京陵表淳鹵數疆潦規偃豬町原防牧隰臯井衍沃

左氏說山林之地九夫為度九度而當一井藪澤之

地九夫為鳩八鳩而當一井京陵之地九夫為辨七辨而當一井淳鹵之地九夫為表六表而當一井疆潦之地九夫為藪五藪而當一井偃豬之地九夫為規四規而當一井原防之地九夫為町三町而當一井隰臯之地九夫為牧二牧而當一井衍沃之地九夫為井賦法積四十九除山川坑岸三十六井定出賦者九井則千里之畿地方百萬井除山川坑岸三十六萬井定出賦者六十四萬井長轂萬乘許春五經異詁

正義載賈侍中說無九夫為井以下五十四字

賈逵曰淳鹵也

正義

賈逵以疆為疆槩境塙之地正義

鄭眾以為疆界內有水潦者正義

孫毓讀為疆潦註云砂礫之田也正義

賈逵云下平曰衍有漑曰沃正義

傳二十六年殺子叔及大子角

服虔云殺大子角不書舉重者正義

專祿以周旋

服虔云專祿謂以戚叛也既叛衛亦不臣於晉自謂

若小國是為專祿正義

先六邑

服虔曰四井為邑

史記鄭世家注

取衛西鄙懿氏六十以與孫氏

服虔云六十邑

正義

晉侯賦嘉樂

服虔云晉侯自嘉樂愚之甚也

正義

寺人惠牆伊戾

服虔云惠伊皆發聲實為牆戾

正義

夫不惡女乎

服云夫謂太子也

前二十三年正義

若塞井夷竈成陳以當之

鄭眾云此范匄所言苗賁皇亦言之故聲子引以為

喻正義

樂范易行以誘之

賈逵鄭眾皆讀易為變易之易賈以行為道也樂為

將范為佐二人分中軍別將之欲使樂與范易道今

范先誘楚樂以良卒從而擊之鄭謂易行中軍與上

下軍易卒伍也

正義

豐於勇

賈鄭先儒皆以豐為動也

正義

王肅曰豐謂自矜奮以夸人

正義

克而取之

服虔云取魯高魚及反之皆不書蓋諱之正義

經二十有二月乙亥朔日有食之

劉歆以為九月周楚分漢書五行志下下

傳如稅服終身

服虔云衰麻已除日月已過乃聞喪而服是為稅服

服之輕者正義

仲尼使舉是禮也以為多文辭

服虔云以其多文辭故特舉而用之後世謂之孔氏

聘辭以孔氏有其辭故傳不復載也正義

伯夙謂趙孟

服虔云伯夙晉大夫正義

故不書其族言違命也

賈逵云叔孫義也魯疾之非也正義

服虔云叔孫欲尊魯國不為人私雖以違命見貶其

于尊國之義得之正義

趙孟為客

服虔云楚君恒以大夫為賓者大夫卑雖尊之猶遠

君也楚先歆為盟主故尊趙孟為客正義

宜其光輔五君以為盟主也

服虔云文公為戎右襄靈為大夫成公為卿景公為太傅也正義正

牀第之言不踰國

服虔曰簣謂之第史記禮書注

曰請免死之邑

服虔云向戌自以止兵民不戰鬪自矜其功故求免

死之賞也正義正

以誣道蔽諸侯蔽服本作斃王肅董遇本作蔽

服虔曰斃踣也一曰罷也正義正

王肅董遇謂以誣人之道掩諸侯也正義正

告盧婆嬖

服虔曰嬖齊大夫慶封之屬史記齊世家注

傳二十八年陰不堪陽

服虔云歲為陽立枵為陰歲乘陰進至 枵陰不勝

陽故溫無冰正義正

君國事大國

晉宋古本及王肅註其文皆如此君國謂為國君言

其為君之難也正義正

楚不幾十年未能恤諸侯也

服虔云此行也楚康王卒至昭四年楚靈王合諸侯

于申距今八年故曰不幾十年是謂十年不克征也

正義

舍不為壇

服虔本作壇 王肅本作壇

服虔解云除地為壇

正義

王肅云除地坦坦者

正義

與慶舍政

服虔曰舍慶封之子也生傳其職政與子

史記齊世家注

吳句餘予之朱方

服虔以句餘為餘祭

正義

經

二十九年吳子使札來聘

賈逵服虔皆以為夷末新即位使來通聘

正義

傳

祇見疏也

服虔本作祇 晉宋本皆作多

服虔解云祇適也

正義

榮成伯賦式微

服虔云言君用中國之道微

詩式微正義

不尚取之

服虔云不尚尚也尚當取女叔侯殺之

正義

母寧夫人而焉用老臣

服虔云母寧寧也寧自取夫人將焉用老臣乎

正義

請觀於周樂

服虔曰周樂魯所受四代之樂也史記吳世家注

曰美哉

先儒以為季扎所言觀其詩辭而知正義始基之矣

王肅曰言始造王基也史記吳世家注

猶未也

賈逵曰言未有雅頌之成功也史記吳世家注

美哉淵乎

賈逵曰淵深也史記吳世家注

吾聞衛康叔武公之德如是

賈逵曰康叔遭管叔蔡叔之難武公罹幽王褒姒之憂故曰康叔武公之德如是史記吳世家注為之歌王

服虔曰王室當在雅衰微而列在風故國人猶尊之故稱王猶春秋之王人也史記吳世家注

其周之東乎

服虔曰平王東遷雒邑史記吳世家注

為之歌鄭

賈逵曰鄭風東鄭是史記吳世家注

服虔曰鄭東鄭古檜國之地詩鄭譜正義

其細已甚民弗堪也是其先亡乎

服虔曰其風細弱已甚攝於大國之間無遠慮持久

之風故曰民不堪將先亡也史記吳世家注

泱泱乎大風也哉

服虔曰泱泱舒緩深遠有大和之意其詩風刺辭約

而義微體疎而不切故曰大風史記吳世家注

表東海者

王肅曰言為東海之表式史記吳世家注

國未可量也

服虔曰國之興衰世數長短未可量也史記吳世家傳

蕩蕩乎樂而不淫

賈逵曰蕩然無憂自樂而不荒淫也史記吳世家注

此之謂夏聲

服虔云秦仲始有車馬禮樂之好侍御之臣戎車四

牡田狩之事其孫襄公列為秦伯故有蒹葭蒼蒼之

歌終南之詩追錄先人車鄰駟鐵小戎之歌與諸夏

同風故曰夏聲詩車鄰正義

大而婉儉而易行以德輔此則明主也明史記作盟

賈逵曰其志大直而有曲體歸中和中庸之德難成

而實易行故曰以德輔此則盟主也史記吳世家注

自鄘以下無譏焉

服虔曰鄘以下及曹風也其國小無所刺譏史記吳世家注
為之歌小雅

服虔云自鹿鳴至菁菁者莪道文武修小政定大亂
致太平樂且有儀是為正小雅詩鹿鳴正義

美哉思而不貳怨而不言其周德之衰乎衰服虔讀為衰微之衰

服虔以為此歎變小雅也其意言思上世之明聖而
不貳於當時之王怨當時之政而不有背叛之志也

其周德之衰微乎疑其幽厲之政也正義
王肅云非不能言畏罪咎也史記吳世家注

為之歌大雅

服虔云陳文王之德武王之功自文王以下至鳧鷖
是為正大雅詩鹿鳴正義

至矣哉

賈逵曰言道備至也史記吳世家注

遷而不淫

服虔曰遷徙也文王徙鄴武王居鄘史記吳世家注

見舞象箭南籥者

賈逵曰象文王之樂武象也箭舞曲也南籥以籥舞

也史記吳世家注

猶有憾

服虔曰憾恨也恨不及已以伐紂而致太平也

史記吳世

注家

見舞大武者

賈逵曰大武周公所作武王樂也

史記吳世家注

見舞韶濩者

濩史記作護

賈逵曰韶濩殷成湯樂大濩也

史記吳世家注

聖人之也

賈逵曰

大也

史記吳世家注

而猶有慙德聖人之難也

服虔曰慙于始伐而無聖佐故曰聖人之難也

史記吳世

注家

見舞大夏者

賈逵曰夏禹之樂大夏也

史記吳世家注

勤而不德

服虔曰禹勤其身以治水土也

史記吳世家注

見舞韶箭者

服虔曰有虞氏之樂大韶也

史記吳世家注

德至矣哉大矣

服虔曰至帝王之道極于韶也盡美盡善也

史記吳世家注

如天之無不幬也幬史記作燾

賈逵曰燾覆也史記吳世家注

若有他樂吾不敢請已

服虔曰周用六代之樂堯曰咸池黃帝曰雲門魯受

四代下周二等故不舞其二季札知之故曰有他樂

吾不敢請史記吳世家注

先儒以為季札在吳未嘗經見此樂為歌諸詩其所

歎美皆以詩辭之內求所歎之意正義

子速納邑與政

服虔曰入邑與政職於公不與國家之事史記吳世家注。葢

案周官祿田有政即有邑邑田邑也

慎之以禮

服虔曰禮所以經國家利社稷也史記吳世家注

聞鐘聲焉

服虔曰孫文子鼓鐘作樂也史記吳世家注

辯而不德必加於戮

服虔曰辯若鬪辯也夫以辯爭不以德居之必加於

刑戮也史記吳世家注

夫子獲罪於君以在此

賈逵曰夫子孫文子也獲罪出獻公以戚畔也史記吳世家

家注

猶燕之巢於幕上

王肅曰言至危也

史記吳世家注

君又在殯

賈逵曰言衛君獻公棺在殯未葬

史記吳世家注

文子聞之終身不聽琴瑟

服虔曰聞義而改也琴瑟不聽况于鐘鼓乎

史記吳世家注

晉國其萃於三族乎

服虔曰言晉國之祚將集于三家

史記吳世家注

吾子好直必思自免於難

服虔曰直不能曲撓以從眾

史記吳世家注

齊人立敬仲之曾孫鄰

董遇註作偃

正義

傳

三十穆叔問王子之為政如何

一本作問王子圍之為政一本無圍字服

虔王肅本同

服虔云王子楚令尹王子圍也

正義

王肅云王子楚令尹圍也

正義

吏走問諸朝

俗本吏作使服虔王肅本作吏

服虔云吏不知數故走問於卿大夫

正義

王肅云吏不知也

正義

而廢其輿尉

服虔云輿尉軍尉主發衆使民正義正

鳥鳴于亳社

服虔云殷宋之祖也故鳴其社伯姬魯女欲使魯往

悟伯姬也正義正

宋大災宋伯姬卒待姆也

服虔云不書大非災火及人伯姬坐而待之耳正義正

大夫敖服本作放

服虔云言大夫淫放正義正

傳三十一年立胡女敬歸之子子野

服虔曰胡歸姓之國也史記魯世家注

齊歸之子公子禚

服虔曰齊謚也史記魯世家注

無則立長

服虔曰無母弟則立庶子之長史記魯世家注

猶有童心

服虔云言無成人之志而有童子之心史記魯世家注

使勾請命

晉宋古本及釋例皆作巧俗本作句正義正

以羸諸侯

賈服王注皆讀為盈故皆訓為受正義正

延州來季子

服虔云延延陵也州來邑名季子讓王位升延陵為

大夫食邑州來傳家通言之正義正

令尹以君矣

服虔云言令尹動作以君儀故云以君矣正義正

春秋內傳古注輯存中冊終

卷一